

Ua Npaws Tshaj Cum-Dengue Fever (breakbone fever, dengue hemorrhagic fever)

Disease Fact Sheet Series

Ua npaws tshaj cum-dengue fever zoo li cas?

Thaum ua mob npaws tshaj cum mas yog vim raug tus yoov tshaj cum uas muaj tus taug kab mob tom, tus mob no tsis tshua muaj tshwm hauv lub xeev Wisconsin no. Tus mob no muaj tshwm nyob rau tej teb chaws huab cua sov, yam li, cov teb chaws pov txwv Caribbean, Mexico teb thiab lwm cov teb chaws nyob qab teb thiab nruab nrab As Mes Lis Kas ciam ntuj, cov teb chaws nyob hauv hiav txwv Pacific, teb chaws Es Xias thiab tej thaj tsam hauv ciam ntuj teb chaw Africa. Kuj tsis pom muaj tus mob no tshwm kiag li los yog hauv teb chaws As Mes Lis Kas no. Tsawg zaus kawg uas pom tshwm nyob rau yav qab teb lub xeev Texas. Muaj zaum puav, cov neeg uas tuaj ntawm cov teb chaws ntawd los yog cov mus tsham rau cov teb chaws ntawd, thaum rov los teb chaw no ces chiv mob tus npaws no.

Leej twg thiaj raug tus npaws dengue fever no?

Txhua tus neeg tsis hais muaj lub hnuv nyoog li cas los yeej raug tau tus mob no. Thaum cov me nyuam yaus raug mas kuj raug sib dua cov laus raug.

Tus npaws dengue fever no ri li cas?

Yuav kis tau ua mob npaws tshaj cum dengue fever mas yog thaum raug tus yoov tshaj cum uas muaj tus taug kab mob (*Aedes aegypti*) tom. Tus mob no yuav kis tsis tau ntawm ib leeg mus rau lwm leej.

Cov tsos mob ntawm tus npaws dengue fever thiab tus npaws tsob ntshav zoo li cas?

Thaum ua mob npaws dengue mas yuav pib kub cev sai heev thiab yuav kub ntev txog li 3-7 hnuv, mob taub hau heev, mob nqaij pob txha thiab pob qij txha, tsis qab los, raws plab, thiab tawm pob. Peb plaub hnuv tom qab kub cev lawm mas yuav pom tawm pob ntawm txhais taw thiab txhais ceg.

Cov tsos mob ntawm tus npaws tsob ntshav-dengue hemorrhagic fever (DHF) mas muaj li no: cov ntshav yuav tsis koos zoo ces yuav ua rau muaj tsob ntshav hauv nruab nrog cev, tsis qab los, ntuav, tus kub nrog nruab cev siab heev, mob taub hau, mob plab. Lub cev ua mob txhawm chim thiab tej hlab ntsha nruab plawv yuav tsis ua hauj lwm. 50% ntawm cov neeg uas raug tus mob thiab tsis nrhiav kev kho mas kawg tuag xwb.

Cov tsos mob yuav pib tshwm sai npaum li cas?

Li 3-14 hnuv tom qab raug tus yoov tshaj cum uas muaj tus taug kab mob tom tas mas yuav chiv mob, feem ntau kuj yog 4-7 hnuv tom qab xwb ces pib chiv mob lawm.

Yog raug tus mob no ib zaug lawm puas yuav raug tau ntxiv?

Kuj muaj plaub yam kab mob rau cov npaws dengue no. Tom qab raug ib tug kab mob ntawd tas lawm mas lub cev yuav tiv thaiv tau hom kab mob ntawd xwb, ua li mas kuj tseem yuav kis tau lwm yam kab mob npaws dengue thiab.

Yuav kho tus mob no li cas?

Kuj tsis muaj kiag ib txog kev yuav siv los kho tus npaws dengue. Yuav dai dej thiab siv pa cua los pab rau cov neeg uas lub cev ua mob txhawm chim thaum lawv raug tus mob no xwb.

Yuav ua li cas thiaj tiv thaiv kom txhob ri tau tus kab mob ua npaws dengue no?

Yog muaj tus kab mob no tshwm sim hauv Wisconsin no mas yog cov neeg mus kis lwm qhov chaw los xwb, ua li mas, txoj kev yuav tswj tus mob no ces yog yuav tsum tau qhia rau cov neeg mus tsham

tej chaw uas muaj cov yoov tshaj cum muaj cov taug kab mob no yuav tsum ceev faj kom txhob nphav tau tus kab mob no. Yuav tau siv tej vij tsam thiab tshuaj tua yoov kom tsis txhob raug yoov tom.

DEVELOPED BY THE DIVISION OF PUBLIC HEALTH, BUREAU OF COMMUNICABLE DISEASE
COMMUNICABLE DISEASE EPIDEMIOLOGY SECTION.
P-42043H (Rev. 05/04)